

ЎЗБЕКИСТОН РЕСПУБЛИКАСИ
МАРКАЗИЙ БАНКИ БОШҚАРУВИНИНГ
ҚАРОРИ

132 Тижорат банклари томонидан шахсий ёрдамчи хўжаликларга қишлоқ хўжалиги маҳсулотларини етиштириш учун микрокредитлар бериш тартиби тўғрисидаги низомга ўзгартириш ва қўшимчалар киритиш ҳақида

*Ўзбекистон Республикаси Адлия вазирлиги томонидан 2015 йил
20 мартда рўйхатдан ўтказилди, рўйхат рақами 2344-1*

Ўзбекистон Республикасининг «Ўзбекистон Республикасининг Марказий банки тўғрисида»ги, «Банклар ва банк фаолияти тўғрисида»ги ва «Микромолиялаш тўғрисида»ги қонунларига мувофиқ Ўзбекистон Республикаси Марказий банки Бошқаруви **қарор қилади:**

1. Ўзбекистон Республикаси Марказий банки Бошқарувининг 2012 йил 10 мартдаги 8/1-сон қарори (рўйхат рақами 2344, 2012 йил 20 март) (Ўзбекистон Республикаси қонун ҳужжатлари тўплами, 2012 й., 12-сон, 136-модда) билан тасдиқланган Тижорат банклари томонидан шахсий ёрдамчи хўжаликларга қишлоқ хўжалиги маҳсулотларини етиштириш учун микрокредитлар бериш тартиби тўғрисидаги низомга иловага мувофиқ ўзгартириш ва қўшимчалар киритилсин.

2. Мазкур қарор расмий эълон қилинган кундан эътиборан кучга киради.

Марказий банк раиси

Ф. МУЛЛАЖОНОВ

Тошкент ш.,
2015 йил 14 март,
6/2-сон

Ўзбекистон Республикаси қонун ҳужжатлари тўплами, 2015 й.

Ўзбекистон Республикаси
Марказий банки Бошқарувининг 2015 йил
14 мартдаги 6/2-сонли қарорига
ИЛОВА

**Тижорат банклари томонидан шахсий ёрдамчи
хўжаликларга қишлоқ хўжалиги маҳсулотларини етиштириш
учун микрокредитлар бериш тартиби тўғрисида низомга
киритилаётган ўзгартириш ва қўшимчалар**

1. Муқаддима қуйидаги таҳрирда баён этилсин:

«Ушбу Низом Ўзбекистон Республикасининг «Ўзбекистон Республикасининг Марказий банки тўғрисида»ги, «Банклар ва банк фаолияти тўғрисида»ги, «Микромолиялаш тўғрисида»ги қонунларига мувофиқ, тижорат банклари томонидан шахсий ёрдамчи хўжаликларга қишлоқ хўжалиги маҳсулотлари етиштириш, қорамол, қўй, эчки, қуён боқиш ва етиштириш, паррандачилик ва асаларичиликни ривожлантириш, ихчам иссиқхоналар ташкил этиш, шунингдек уруғ ва кўчатлар учун микрокредитлар бериш тартибини белгилайди.»

2. 1-банднинг биринчи хатбошиси қуйидаги таҳрирда баён этилсин:

«Микрокредитлар қайтаришлик, тўловлилик, таъминланганлик, муддатлилик ва мақсадли фойдаланиш шартлари асосида берилади.»

3. 2-банд қуйидаги таҳрирда баён этилсин:

«2. Шахсий ёрдамчи хўжаликларга қишлоқ хўжалиги маҳсулотлари етиштириш, қорамол, қўй, эчки, қуён боқиш ва етиштириш, паррандачилик ва асаларичиликни ривожлантириш, ихчам иссиқхоналар ташкил этиш, шунингдек уруғ ва кўчатлар учун энг кам иш ҳақининг 100 бараваригача миқдорда микрокредитлар берилади.»

4. 3-банд қуйидаги таҳрирда баён этилсин:

«3. Микрокредитлар шартнома асосида қайтариш муддатини узайтириш ҳуқуқсиз:

меваги дарахтлар ва узум кўчатлари сотиб олиш учун — бир йиллик имтиёзли давр билан 3 йилгача;

қорамол, қўй, эчки, қуён боқиш ва етиштириш учун — олти ойлик имтиёзли давр билан 3 йилгача;

уруғликлар, минерал ўғитлар ва ўсимликларни кимёвий ҳимоя қилиш воситаларини сотиб олиш, ихчам иссиқхоналар ташкил этиш ҳамда паррандачилик ва асаларичиликни ривожлантириш учун — олти ойлик имтиёзли давр билан 2 йилгача бўлган муддатга берилади.»

5. 7-банднинг иккинчи ва учинчи хатбошилари қуйидаги таҳрирда баён этилсин:

«мазкур Низомнинг 2-бандида назарда тутилган мақсадлар учун микрокредит бериш сўралган ариза;

фуқаролар йиғини раиси (оқсоқоли) томонидан имзоланган, белгиланган тартибда берилган санаси ва рақами қайд этилган ҳамда муҳр билан

тасдиқланган тавсиянома ва микрокредит олувчи шахсий ёрдамчи хўжалик юритувчи жисмоний шахсда томорқа участкаси мавжудлиги ҳамда унинг майдони кўрсатилган маълумотнома.».

6. Қуйидаги мазмундаги 8¹ — 8³-бандлар билан тўлдирилсин:

«8¹. Қарз олувчилар микрокредит олиш бўйича аризаларни электрон тизим орқали тақдим этиши мумкин.

Қарз олувчи бўйича Кредит ахборотининг давлат реестри ва кредит бюросларига тақдим этилаётган кредит ахбороти маълумотлари тижорат банкининг кредит йиғмажилдидаги кредит ахборотига мос бўлиши лозим.

8². Шахсий ёрдамчи хўжалик юритувчи жисмоний шахс томонидан зарур хужжатлар тақдим қилингандан сўнг, унинг аризаси мазкур Низомнинг 1-иловасига мувофиқ шаклдаги «Аризаларни рўйхатга олиш китоби»га қайд қилинади ва бир вақтнинг ўзида қарз олувчига ариза тижорат банки томонидан қабул қилинганлиги тўғрисида мазкур Низомнинг 2-иловасига мувофиқ шаклда «Маълумотнома» берилади. Бунда «Маълумотнома»нинг биринчи қисми тижорат банкида қолдирилади, иккинчи қисми эса, қарз олувчига тақдим этилади. Қарз олувчи «Маълумотнома»нинг биринчи қисмини уни олганлиги тўғрисидаги санани кўрсатган ҳолда имзолайди, ариза электрон тизим орқали қабул қилинган ҳоллар бундан мустасно.

Аризалар электрон тизим орқали қабул қилинганда, у «Аризаларни рўйхатга олиш китоби»га қайд қилинади ва аризага «Электрон тизим орқали қабул қилинди» деб ёзиб қўйилади ва бир вақтнинг ўзида қарз олувчига ариза тижорат банки томонидан электрон тизим орқали қабул қилинганлиги тўғрисида электрон шаклда «Маълумотнома» юборилади ҳамда тижорат банкида қолган «Маълумотнома»га унинг электрон шаклда юборилганлиги тўғрисида ёзув киритилади ва сана кўрсатилган ҳолда имзоланади.».

8³. «Маълумотнома»лар тушунарли, тўғри ва аниқ кўринадиган ҳолда тўлдирилиши лозим. «Маълумотнома»даги ёзувларни қисқартиришга йўл қўйилмайди.».

7. 21-банддаги «маҳалла, қишлоқ, овул фуқаролар йиғини Кенгашининг масъул ходими» деган сўзлар «фуқаролар йиғини ходими» деган сўзлар билан алмаштирилсин.

8. Мазкур ўзгартириш ва қўшимчаларнинг 1 ва 2-иловаларига мувофиқ таҳрирдаги 1 ва 2-иловалар билан тўлдирилсин.

«Тижорат банклари томонидан шахсий ёрдамчи хўжаликларга қишлоқ хўжалиги маҳсулотларини етиштириш учун микрокредитлар бериш тартиби тўғрисида низомга киритилаётган ўзгартириш ва қўшимчаларга
1-ИЛОВА

Тижорат банклари томонидан шахсий ёрдамчи хўжаликларга қишлоқ хўжалиги маҳсулотларини етиштириш учун микрокредитлар бериш тартиби тўғрисидаги низомга
1-ИЛОВА

Аризаларни рўйхатга олиш КИТОБИ

201__ йил учун

Т/р	Ариза берган шахсий ёрдамчи хўжалик	Ариза рақами ва санаси	Ариза топширилган сана	Аризанинг қисқача мазмуни (Микрокредит мақсади, муддати, суммаси, устама фоизи, манбаси, таъминот тури)	Аризада кўрсатилган микрокредит миқдори (минг сўм)	Аризачига ҳужжатлар қабул қилинганлиги тўғрисида берилган маълумот-номанинг рақами ва санаси	Ариза бўйича Кредит қўмита томонидан қабул қилинган қарорнинг рақами, санаси	Аризачига микрокредит ажратиш тўғрисида ижобий қарор қабул қилинганлиги ҳақида берилган ёзма жавоб хатининг рақами ва санаси	Ариза рад қилинган тақдирда, аризачига берилган ёзма жавоб хатининг рақами ва санаси	Банк кредит қўмитаси томонидан маъқулланган кредит миқдори (минг сўм) ва кредит ажратиш бошланганлигининг дастлабки санаси	Имзо
0	1	2	3	4	5	6	7	8	9	10	11
1.											
2.											

».

Тижорат банклари томонидан шахсий ёрдамчи хўжаликларга қишлоқ хўжалиги маҳсулотларини етиштириш учун микрокредитлар бериш тартиби тўғрисида низомга киритилаётган ўзгартириш ва қўшимчаларга
2-ИЛОВА

«Тижорат банклари томонидан шахсий ёрдамчи хўжаликларга қишлоқ хўжалиги маҳсулотларини етиштириш учун микрокредитлар бериш тартиби тўғрисидаги низомга
2-ИЛОВА

Маълумотнома _____-сон	Маълумотнома _____-сон						
<p>Берилди ушбу маълумотнома шу ҳақдаки, _____ филиали томонидан <small>(тижорат банки номи)</small></p> <p>201__ йил «__» _____ да _____ нинг <small>(шахсий ёрдамчи хўжалик номи)</small></p> <p>_____ <small>(микрокредит мақсади ва суммаси)</small></p> <p>микрокредит олиш бўйича аризаси «Аризаларни рўйхатга олиш китоби»да 201__ йил «__» _____ да _____-сон билан рўйхатга олиниб, белгиланган тартибда кўриб чиқиш учун қабул қилинди.</p> <p>Аризага илова қилинган ҳужжатлар рўйхати:</p> <ol style="list-style-type: none"> 1. 2. 3. <table style="width: 100%; border: none;"> <tr> <td style="text-align: center; width: 33%;">Банк масъул ходими (Ф.И.О.)</td> <td style="text-align: center; width: 33%;">Имзо</td> <td style="text-align: center; width: 33%;">Сана</td> </tr> </table> <p>Маълумотномани олдим: _____ <small>(имзо)</small> _____ <small>(шахсий ёрдамчи хўжалик номи)</small></p> <p>Сана: 201__ йил «__» _____</p> <p style="text-align: right;">Серия рақами _____</p>	Банк масъул ходими (Ф.И.О.)	Имзо	Сана	<p>Берилди ушбу маълумотнома шу ҳақдаки, _____ филиали томонидан <small>(тижорат банки номи)</small></p> <p>201__ йил «__» _____ да _____ нинг <small>(шахсий ёрдамчи хўжалик номи)</small></p> <p>_____ <small>(микрокредит мақсади ва суммаси)</small></p> <p>микрокредит олиш бўйича аризаси «Аризаларни рўйхатга олиш китоби»да 201__ йил «__» _____ да _____-сон билан рўйхатга олиниб, белгиланган тартибда кўриб чиқиш учун қабул қилинди.</p> <p>Аризага илова қилинган ҳужжатлар рўйхати:</p> <ol style="list-style-type: none"> 1. 2. 3. <table style="width: 100%; border: none;"> <tr> <td style="text-align: center; width: 33%;">Банк масъул ходими (Ф.И.О.)</td> <td style="text-align: center; width: 33%;">Имзо</td> <td style="text-align: center; width: 33%;">Сана</td> </tr> </table> <p>Сана: 201__ йил «__» _____</p> <p style="text-align: right;">Серия рақами _____</p>	Банк масъул ходими (Ф.И.О.)	Имзо	Сана
Банк масъул ходими (Ф.И.О.)	Имзо	Сана					
Банк масъул ходими (Ф.И.О.)	Имзо	Сана					